

奇異門

製造門
煉服門
奇異門
聲音門

盜不入境 秤水知雨

怔忡驚悸門
癥瘕門
健忘門
怪祟門
癰癤門

瘰癧門
瘰癧門
積聚門
傷食門
傷酒門
瘰癧門
瘰癧門
瘰癧門
瘰癧門
瘰癧門

類

萬方新編丁集第四卷目錄

通治部

傷酒門

傷食門

積聚門

脾胃門

瘟疫門

附瘴氣

癰癩門

邪祟門

健忘門

怔忡驚悸門

癥瘕門

正人新編

卷四

聲音門

奇異門

煉服門

製造門

風俗門

卷四

萬代流傳下集第四卷目錄

萬方新編丁集卷四

通治部

傷酒門

燒酒醉死

急以新汲水浸其髮外以故帛浸溼貼其胸膈仍細細灌之至甦乃已 瀕湖集簡

方

燒酒醉死

心頭熱者用熱豆腐薄切片遍身貼之貼冷即換之甦省乃止

嗜酒不已

用蒼耳子七枚燒灰投酒中飲之即不嗜 陳藏器本草

酒醉不醒

九月九日真菊花爲末飲服方寸匕 外臺祕要

○生葛汁飲二升便愈 千金方

酒醉不醒

用胡豆油鹽炒熟煮湯灌之効

○白菜子二合細研并華水

一錢調爲二服 聖惠方

○用水中羸蚌蔥豉煮

食飲汁即解 肘后方

大醉不堪

連日病困者蔓菁菜入少米煮熟去滓冷飲之良 肘后方

飲酒口糜

羸蚌煮汁飲之 聖惠方

飲酒齒痛

并水頻含漱之 直指方

酒病腹痛

昔有人素多酒慾病少腹絞痛不可忍小便如淋諸藥不効偶用黃芩木通甘草三

味煎服

遂止

飲酒咽爛

或口舌生瘡火麻仁一升黃芩二兩爲末蜜丸含之 千金方

飲酒頭痛

竹筍二兩水五升煮三升納雞子三枚煮三沸食之 千金方

飲酒發熱

瓜蒌仁青黛等分研末薑汁白蜜和膏日食數匙一男子年二十病此服之而愈

摘玄方

飲酒痰癖

兩脇脹滿時復嘔吐腹中如水聲瓜蒌實去殼焙一兩神麴炒半兩爲末每服二錢

蔥白湯下

○聖惠方

飲酒辟氣

乾蔓菁根二七枚蒸三遍碾末酒後水服二錢卽無酒氣也 千金方

飲癖嘔水

許叔微本事方云微患飲癖三十年始因少年夜坐寫文左向伏几是以飲食多墜左邊中夜必飲酒數杯又向左臥壯時不覺三五年後覺酒止從左下有聲脇痛食減嘈雜飲酒半杯卽十數日必嘔酸水數升暑月止右邊有汗左邊絕無遍訪名醫

及海上方間或中病止得月餘復作其補
如天雄附子礬石輩利如牽牛甘遂大戟
備嘗之矣自揣必有癖囊如水之有科曰
不盈科不行但清者可行而濁者停滯無
路以決之故積至五七日必嘔而去脾土
惡溼而水則流溼莫若燥脾以去溼崇土
以填科曰乃悉屏諸藥只以蒼朮一斤去
皮切片爲末麻油半兩水二錢研濾汁大
棗五十枚煮去皮核搗和丸梧子大每日
空腹溫服五十丸增至一二百丸忌桃李
雀肉服三月而疾除自此常服不嘔不痛
胸膈寬利飲啖如故暑月汗亦周身燈下
能書細字皆朮之力也初服時必覺微燥
以山梔子末沸湯點服解之久服亦自不
燥矣

飲酒成癖

酒徵丸治飲酒過度頭旋惡心嘔吐及酒
停積于胃閒遇飲卽吐久而成癖雄黃皁

角子大六箇巴豆連皮油十五箇蠟稍十
五箇同研入白麴五兩半滴水丸豌豆大
將乾入麴內炒香將一粒放水試之浮則
取起收之每服二丸溫酒下和劑局方
一雷飲水停心下二癖飲水在兩脇下三
痰飲水在胃中四溢飲水在五臟間五流
飲水在腸間皆因飲食胃寒或飲茶過多
致此倍尤丸用白朮一斤乾薑炮桂心各
半斤爲末蜜丸梧子大每溫水
服二三十丸 惠民和劑局方

中酒成病

救蔥白各半升水二升
煮一升頓服 千金方

酒多致病

仙人柳晒乾爲末每服一錢
溫酒調下 衛生易簡方

飲酒成泄

骨立不能食但飲酒卽泄用嫩鹿茸酥炙
肉蓯蓉煨各一兩生麝香二分爲末陳白
米飯爲丸梧子大每米飲下
五十丸名香茸丸 普濟方

酒後咳嗽

白殭蠶焙研末每茶服一錢怪症奇方

傷酒嘔逆

凡傷寒傷風傷食傷酒初起無藥便飲太和湯盃許或酸薑汁亦可以手揉肚覺恍

惚再飲再揉至無所容探吐汗出則已

中酒嘔逆

赤小豆煮汁徐徐飲之食鑑本草

酒痰咳嗽

用此救肺瓜蒌仁青黛等分研末薑汁蜜丸芡子大每嚙一丸丹溪心法

酒鼈氣鼈

嗜酒任氣血凝于氣則為氣鼈嗜酒痼冷敗血入酒則為血鼈搖頭掉尾大者如鼈

小者如錢上侵人喉下蝕人肛或附脇背或隱腸腹用生硫黃末老酒調下常服之

○直指方

酒癖脇脹

時復嘔吐腹有水聲川芎三稜炮各一兩為末每服二錢蔥白湯下聖濟總錄

飲酒穿腸

飲酒過度欲至穿腸者用野蹄硬處削下水煮濃汁冷飲之襄州散將藥小齏得此

方有効○
經驗方

解中酒毒

恐爛五臟茅根汁
飲一升 千金方

酒腫虛腫

香附子艾米酢煮乾焙研爲末米酢糊丸
服久之敗水從小便出神效 經驗方

酒毒目盲

一人形實好飲熱酒忽病目盲而脈濡此
熱酒所傷胃氣汚濁血死其中而然以蘇

木煎湯調人蔓朮一錢服次日鼻及兩掌
皆紫黑此滯血行矣再以四物湯加蘇木

桃仁紅花陳皮調人蔓朮

服數日而愈 丹溪纂要

解燒酒毒

豇豆粉水調
多食之即解

酒積酒毒

服此即解天南星丸用正端天南星一片
土阮燒赤沃酒一斗入阮放南星益覆泥

葛方斤扁

金回酒病

回

固濟一夜取出酒和水洗淨切片焙乾爲末入朱沙末一兩薑汁麪糊丸梧子大每服五十丸薑湯下蔡丞相呂丞相常用有驗 楊氏家藏丸

酒黃水腫

黃腫積痛青礬半斤酢一大錢和勻瓦盆內煨乾爲度平胃散烏藥順氣散各半兩爲末酢煮糊丸梧子大每酒或薑湯下三十丸不忌口加錫灰 趙原楊真人濟

急方

酒積黃腫

五靈脂末一兩入麝香少許飯丸小豆大每米飲下一丸 普濟方

男子酒疸

用茵陳蒿四根梔子七箇太田羸一箇連殼搗爛以百沸白酒一大錢沖汁飲之祕

方也

酒疸尿黃

發黃心懊痛足脛滿荒花椒目等分燒末水服半錢日二服 肘後方

酒疸脾黃

木鼈子磨酢服一二錢見
利効
劉長春濟急方

酒黃疸疾

眼黃脾熱用青瓜萆焙研每服一錢水半
錢煎七分臥時服五更瀉下黃物立可名

逐黃散○

普濟方

酒積面黃

腹脹不消豬腰子一箇批開七刀葛根粉
一錢摻上合定每邊炙三遍用手扯作六

塊空心喫之米湯

送下
聖濟總錄

酒痢腸風

黑散子治風入臟或食毒積熱大便鮮血
疼痛肛出或久患酒痢木饅頭燒存性櫻

櫚皮燒存性烏梅去核粉草炙等分爲末

每服二錢水一錢煎服
惠民和劑局方

酒毒便血

酒麴一塊溼紙包煨爲末
空心米飲服二錢神効

酒積下血

馬鞭草灰四錢白芷灰一錢蒸餅丸
梧子大每米飲下五十丸
摘玄方

酒積下痢

石灰五兩水和作團黃泥包煨一日夜去泥爲末酢糊丸梧子大每服三十九薑湯

空心下○

摘玄方

酒痔下血

黃連酒浸煮熟爲末酒糊丸梧子大每服三四十九白湯下一方用自然薑汁浸焙

炒醫

學集成

酒疾下血

連旬不止用大蘿蔔二十枚雷青葉寸餘以井水入壺中煮十分爛入淡酢空心任

食壽親

養老方

酒痢便血

腹痛或如魚腦五色者乾絲瓜一枚連皮燒研空心酒服二錢一方煨食之俗名魚

鱔是也○

經驗良方

酒毒下血

或下疾嫩柏葉九蒸九晒二兩陳槐花炒焦一兩爲末蜜丸梧子大每空心溫酒下

四十九 ○ 普濟方

○槐花半生半炒一兩山梔子焙五錢為末新汲水服二錢 經驗良方

酒痢下血

百藥煎五倍子陳槐花等分焙末酒糊丸梧子大每服五十九米飲送下有效

本事方

酒積下血

酒煮鯽魚常食最効 便民食療方

酒疸黃疾

心下懔痛足脛滿小便黃飲酒發赤黑黃斑由大醉當風入水所致黃芪二兩木蘭

皮一兩為末酒服方寸

匕日三服 肘后方

酒疸發斑

赤黑黃色心下懔痛足脛腫滿小便黃由大醉當風入水所致用上方

酒患腳氣

有人嗜酒日須五七杯後患腳氣甚危或教以巴戟半兩糯米同炒米微轉色去米

不用大黃一兩剉炒同為末熟蜜
丸溫水服五七十九丸仍禁酒遂愈

消導酒積

雞內金乾葛為末等分麪糊丸梧
子大每服五十丸酒下 袖珍方

斷酒不飲

五月五日取井中倒生草燒末水服
勿令知即惡酒不飲或飲亦不醉也

○酒七升朱沙半兩瓶浸緊封安豬圈內
任豬搖動七日取出頓飲有驗 千金方

○以酒漬鹽屈一宿平旦
飲得吐即止也 千金方

○蟾蜍研末酒服
永不飲 千金方

○鸕鷀屎燒研末服方
寸匕日一服 外臺

飲酒欲斷

白豬乳一升飲
之 千金方

○白犬乳一升
酒服 千金方

○刮馬汗和酒服之 千金方

○虎屎中骨燒灰酒服方寸匕即不飲也 千金方

○臘鼠頭燒灰柳花末等分每睡時酒服一杯 千金方

酒毒生疽

一婦嗜酒胸生一疽脉緊而濇用酒炒人蔞酒炒大黃等分爲末薑湯服一錢得唾

汗出而愈○
丹溪醫案

飲酒不醉

先服蓬沙二錢
妙相感志

○取赤黍漬以狐血陰乾酒飲時取一丸置于舌下含之令人不醉 萬畢術方

○小豆花葉陰乾百日爲末水服方寸匕或加葛花等分 千金方

酒忌紅柿

易醉或心痛欲死

